

滿城具志略卷之十二

人物三

列女

明

韓軌妻李氏昇賢村人年二十一生子未週歲軌疾氏侍醫藥寢食不安月餘夫亡哀戚毀容既葬咸勸再適氏泣曰親老兒幼安得爲此言誓不二乃謝膏沐勤紡績孝侍翁姑撫幼子成立守節四十餘年

劉靖妻王氏年二十歲生子半月夫亡哀痛慘悼至忘飲食有憐其瑩獨勸改適者氏曰人之所以爲人以禮義在也若更二夫即

卷十二

人物 列女

一

犬彘矣以死自誓訓子治家俱有條理年七十卒

劉治妻趙氏適治期月夫亡守志不二事姑教幼和睦妯娌一家皆敬慕之孀居五十餘年鄰里咸稱其貞節

翟某妻韓氏韓昌女翟任廣東潯州州判卒於官韓方少誓志守節父母欲奪之氏以死爭終不可奪年逾七十以壽終縣令上其事旌表里居

南江妻韓氏性婉淑夫死哀毀骨立志節堅貞姑老二子幼備極艱苦六十餘年按院奏聞勅旌其門

李章妻孫氏段旺村人年二十夫亡遺一子邦臣方週歲誓死靡他撫育成立娶婦張氏年餘邦臣亦卒張氏方二十六歲與姑同

甘苦紡績度日鄉里稱爲雙節事聞有司旌表其門

南楷妻李氏荊山社人年二十五夫故遺一子堅貞自誓上事翁姑下撫幼子年八十六而終守節五十五年縣令旌表其門

南寶妻王氏夫亡長子八歲次子未分娩親族有勸其再適者王泣曰從一而終婦人大義矢死靡他子長遣就外傳俱補邑庠人皆稱其善於治家且能教子事聞按臺特旌其門

單諫妻梅氏方順橋人年二十夫亡遺一子撫育成人守節五十餘年按臺有司相繼旌表其門

張聚良妻曹氏北宋村人同知張調元之祖母也年二十三夫亡哭泣喪明子勗方二歲撫鞠成立孫調元克振家聲氏之教也本

卷十二

人物 列女

二

道兵憲及縣令褒揚節婦各賜粟帛年七十七卒守節五十五年趙東山妻張氏大册村人主簿趙傑媳也年二十五夫亡守節四十餘年本道及縣令俱賜粟帛以示獎勵子趙官早卒媳李氏安貧守志撫育孤孫自二十四歲至七十餘備嘗艱苦鄉里推重稱

爲一門雙節

譚琚妻賈氏荊山社人年二十二夫亡誓死不二撫孤成立年八十餘卒守節五十年有司上其事院臺特優獎焉

李鼎妻萬氏謁山社人孝順翁姑恪執婦道年二十一夫亡遺一子三歲氏紡績度日撫子成人年登九十人咸以節壽稱事聞有司旌表其門

趙天民妻魏氏東方順村人年十七歸天民生子名瓊夫病將卒
囑撫孤夫卒姑迫他適氏泣曰初志本欲相從地下承命撫孤故
偷息人間耳他非所敢聞竭力承歡姑嫜皆悅瓊長補邑庠事聞
有司旌其門

南邦彥妻楊氏年二十二夫故遺二子長宮表四歲次宮選二歲
氏奉翁姑訓幼子嘗仰天自誓曰吾不能事翁姑教幼子異日何
以對亡夫於地下子長遊庠食餽翁姑終喪葬如禮有司上其事

勅旌其門

鞏邦胤

畿輔通志作印

妻郝氏孟村人持身端莊言笑不苟年二十一夫亡

二子長如礪三歲次如砥未週年氏當夫彌留時焚香祀天願以

卷十二

人物 列女

三

身代及夫卒毀容守節孝親訓孤勤紡績甘淡素數十年如一日
學臺霍公奏請旌表其門

馮慶妻南氏適慶四載而寡姑百計凌苦之堅志不奪撫繼嗣補
博士弟子員尋亦夭逝又撫孫珍入邑庠守節五十年卒

趙光裕妻喬氏夫亡慟絕矢志守貞以訓孤爲己任督教二子長
宏猷入膠庠喬自爲文以祭其夫聞者媿之

康振吳妻劉氏性端嚴翁姑重之年二十夫亡遺一子璘未週歲
誓志守節刻已持家翁姑相繼逝世喪葬盡禮子鬢齡游庠年七
十餘卒守節五十載崇禎七年督學袁公題請勅旌其門

韓楓妻王氏甲申保定城陷夫婦同投井死

張爾翬妻唐氏保定城破投井死

張邦正妻李氏保定城破投井死

以上三人皆滿城籍客居保定因甲申殉難載入清苑縣志畿輔通志仍載入滿城

清

馮紹立妻曹氏馮珍之猶母也年十七而寡子女俱無珍幼且孤氏立志守節奉孀姑撫孤姪賢孝之聲嘖嘖閭里世居東大留村值鼎革偕姪移居縣城拮据卒瘠六十餘年壽八十二卒珍亦不忘本源養送之禮一如所生焉

張崇旺妻孫氏年二十六旺卒孤汝梅汝芳均幼女甫數月氏矢志苦守撫之成立守節六十年

郝垩妻郭氏適垩三歲垩卒哀痛幾死葬後姑媳孀居相依爲命

卷十二

人物 列女

四

服闋有惡豪威挾氏父兄強委禽焉氏奮然引刃以死自誓後豪爲陰謀劫娶計氏覺持幼女踈姑前曰媳不能再事姑矣毀容剪髮勺水不入口是夜服砒毒越數日死年二十四縣令余公聞而哀之上諸惡罪狀於大司寇按罪如律康熙七年督學蔣公題請勅賜坊額旌表其門

范烈女石頭村范良薰女年十七許字易水白堡村田文學子迺倉迎娶有期會倉病卒訃聞烈女哀不自勝請臨母弗許哭益哀竊吞砒霜曰生已許爲田家人死當作田墓鬼吐血二日母掖之過田門再拜姑前乞留夫棺同發言訖氣絕田氏殮而合葬之時順治六年二月七日也縣令李公以節烈申報府憲胡公賜匾旌

褒傳檄徵詩有雪棠集藏范氏家孫奇峯爲撰墓誌文載畿輔通志清聖祖有哭烈女詩載雪棠集

李國瑜妻趙氏孝廉趙允昌妹也性端慧嫻古今女範及笄適瑜越二載瑜歿氏泣血絕粒誓以死殉姑母勉留之乃剪髮入棺以示必死孀幃六載值康熙乙未歲大饑氏竭力奉姑自啖粗糲姑憐之私商於其母劉氏欲奪其志以全餘生氏仰天慟曰改節生何如全節死所以緩死者欲奉孀姑終天年歸報李郎於地下耳今若此豈吾剪髮初心乎痛哭絕食次夜自縊死時康熙十八年七月三日也年二十八縣令裴公申請各憲表其廬曰柏操型世候補中書關中梁舟時僑寓保定作節婦行以誌

卷十二

人物 列女

五

王建侯妻馮氏姑年老久困牀蓐百藥罔效或言父母患沉疴得至親肉啖之可立瘳婦聞言且悲且喜兒甫數齡誘之出取利刃自割左肱肉三寸餘血涔涔滴兒忽奔至婦急取布纏裹痛甚強自忍急烹熟進姑食姑不知也夫自外至見婦舉動不改常而面如土色旦地上有血痕異之叩其故不肯言固詰之乃道其實蓋婦至孝性成不欲人知也縣令裴公匾其門曰敦倫風世時在康熙十九年三月二十五日

郟琦妻南氏年十九歸琦十年琦以疾終遺子鎔撫尸大痛殊不欲生已乃收淚自計未亡人何難一決以殉顧念親老子幼事畜無人辛勤紡織孝奉翁姑課子尤嚴每晚子由塾歸輒督夜讀杼

機軋軋與伊唔聲相間姑遭疾氏服侍累月不解帶翁疾篤命仲子與氏分田產氏泫然請於翁曰夫已亡惟叔在上事親下撫孤惟叔肩之願以產讓焉退私語鎔曰爲汝計非不愛產念汝幼失怙叔實左右之脫分畛域而戾天和非順也且非汝父友于素志翁聞之益歎其賢翁姑歿含殮盡禮宗族咸稱其孝卒年六十五守節三十餘年縣令李公旌之曰苦節馨聞

黃來聘妻魏氏子鏡妻朱氏孫倫傳妻馬氏魏氏適來聘年二十八夫亡矢志事姑撫幼姑趙病臥牀遇鄰失火將延及已魏號天籲救忽反風火息及歿哀送盡禮子鏡長爲娶婦朱氏生倫傳四歲鏡亡朱年二十五奉孀姑能盡孝養力工織以贍甘旨魏患疽

卷十二

人物 列女

六

朱氏口吮之旋愈又患痢進湯粥理穢污滌面櫛髮日以爲常魏年七十五壽終朱率倫傳營葬事井井有條未幾倫傳亦亡遺子榜甫週歲妻馬氏年僅十九朱以鞠子勉其婦身親力作耘耔芻收無不爲之適境內蝗至朱氏往田間見衆人驅蝗力不能撲呼天搶地蝗竟不入其田衆皆異之勤以操業嚴以課孫嘗悽然顧馬氏母子曰從一而終婦固宜耳吾與汝不幸而以守節相勗吾翁姑且惻然地下吾與汝其善撫此藐孤無恙宗祧幸也馬氏善承姑訓精堅純白始終不渝子榜成立黃宗不墜鄉人稱之曰一

門三貞

左浩成妻董氏羅氏浩成以母命娶董氏復承祖命娶羅氏二氏

歸左孝姑敬夫和娣姒惠臧獲而羅能讀朱子大全諸書講明忠孝廉節之義董氏舉一子名襄甫三歲而浩成歿二氏以姑老子幼未忍爲捐生計截髮納棺矢無二志康熙元年冬姑劉氏病篤二氏虔誠祈禱願以身代疾竟瘳劉知之歎曰微吾家兩孝婦吾幾無生理矣其教子羅則口授經義董則日課勤惰蓋母而兼師焉夫亡時董年二十一壽至七十八羅年十九壽至八十四常文焜妻劉氏常父母早亡倚祖母以居娶氏數年輒抱沉疴自知不起囑氏曰吾幼失恃怙賴祖母以至今日不圖天靳吾年不克終養以酬慈恩惟藉汝竟吾志耳他日吾祖母百年後生死唯汝氏嗚咽泣諾無何夫卒氏年僅二十撫棺慟絕者數矣顧念夫

卷十二

人物列女

七

言在耳義不忍違營葬畢奉侍祖母備極孝養閱數年祖母棄世氏仰天號慟矢以必死母南氏力解之不從曰吾所以不死者以祖母在不敢負夫命耳今奚用生爲南慟且折之曰汝旣爲常氏祖母緩數年死吾病老且喪明獨忍恹然棄我乎氏不覺慘沮起而泣曰女聞命矣第須爲我立嗣南命其子麟趾白於常宗擇宗子純嘏嗣焉氏即使受學於麟趾補邑庠食餼南中行妻劉氏中行患沉疴三十年不起劉奉姑事夫曲盡誠欸中行疾歿氏守節養親沒齒無虧縣尹湯公旌其門曰貞孝雙徽且爲之序

劉祚長妻郟氏生子藩甫兩月而祚長疾革與郟訣曰汝能爲我

養老親撫孤兒乎吾死目且瞑氏泣而諾祚長尋卒氏哀號以死
自矢兄弟欲奪其志氏嚙指示之足不履外戶勤女紅以養翁姑
撫孤成立補邑庠

康爾祿妻田氏抱陽村人年十四歸爾祿二十六歲康卒遺子四
女二家計日落處之晏如也勤操婦職以慰翁姑守節四十餘年
長子年三子鑣咸能樹立孫子賢子盛子哲子英均補博士弟子
員

趙璣妻趙氏方順橋人年十五歸璣三載夫亡氏年十七生男承
美方襁褓翁姑皆老氏色笑承歡勤劬撫子幾二十年承美娶婦
王氏生孫五人次孫文煜補邑庠

卷十二

人物 列女

八

南來獻妻趙氏年十四適來獻來獻父名賡任河間教諭移通州
學正挈子婦之官來獻以羸疾纏綿牀第氏躬親湯藥寢食不遑
號泣呼天願以身代來獻竟卒遺子方五齡氏僅十九毀容慟哭
誓不二天既而翁亦致仕氏則勤織紵孝翁撫子艱難辛苦垂三
十餘年冰霜凜烈人無間言

李仙品妻張氏閭童村人歸仙品二載夫卒氏年十八欲以身殉
轉念身已懷孕幸生男以衍夫嗣不數月生子鐸時康熙十一年
九月長養教誨鐸亦善承母志勵學早入泮宮有聲

田鍾瑛妻趙氏年十五歸鍾瑛四年鍾瑛卒上無翁姑下無子女
家徒四壁衣食悉從十指出鐵石肝腸久而彌堅族里憐之於是

繼子女各一人訓迪有方數年子補邑庠孫四長牧梁廩膳生次
牧徐邑庠氏年七十守節五十餘年

阮伏龍妻陳氏年十五適伏龍翁有繼室生三子俱幼氏孝事盡
禮爲三小叔完婚翁姑稱其賢迨翁歿伏龍痿牀數載家益貧伏
龍臨卒囑以事姑課子氏勉承夫志守節三十餘年壽六十有六
子爾章補邑庠

馮珍妻劉氏端莊貞靜讀書好禮馮氏家貧翁姑早歿與孀孀同
居孀性嚴急待氏寡恩氏事之無失禮孀疾篤氏默爲祈禱願減
壽益孀孀始悔改珍年二十五尙無嗣邁重疾氏流涕籲天請代
且慰之曰我死尙可再續夫亡則馮氏斬矣幸勿鬱鬱夫尋愈舉

卷十二

人物 列女

九

一子一女而歿氏撫子成立補邑庠氏壽八旬守節五十餘年
梁銓妻劉氏有淑德年十五歸銓銓卒氏年二十七遺女二未有
嗣息誓守節奉翁姑翁姑歿殮葬盡禮曰不敢使夫君銜卹地下
也嚴寒盛暑惟事紡績足不出戶庭兩女長皆適名門守節三十
六年壽六十三繼姪永祚爲嗣

劉啓元女年十七適某姓名偉山西蒲州人幼失怙恃與兄傑同
居家貧每往天津爲餬口計兄傑早喪偶氏撫其三子若已出偉

客死於津氏聞耗大慟絕粒以殉

其詳因縣志
殘缺不可考

二翟氏同堂姊妹也一爲崔玉音妻康熙四十一年夫故攜其子
託夫兄乘間自縊死一爲范烜善妻生子琦再週歲而寡守節不

渝琦弱冠補諸生邑令張煥并旌其門

劉淑妻于氏次韓村人性端謹以禮自持于歸未久夫卒上有翁姑下無子女氏年二十屏絕鉛華親操井臼奉養翁姑終其天年嗣姪騰芳爲子愛如己出提攜至於成人入邑庠有聲守節四十餘年壽七十

張汝鰲妻梁氏鰲家貧好讀書所交皆畿輔名士不治生產氏時出織紵以供給之二十八夫亡孀姑在堂遺子名興業甫二月悲號觸石幾斃姑力止之父母憐其少勸再適氏曰張郎欲爲賢士吾獨不能爲烈婦乎父母悔失言氏乃堅志守貞事孀姑撫弱息艱苦異常姑卒鬻衣笄殮葬淚流頰裂見者霽涕興業稍長書則

卷十二

人物 列女

十

賣餅謀生夜篝火課讀興業奮勵苦學弱冠補邑庠

趙之鼎妾曹氏年十六侍巾櫛循謹自飭常與羣婢共操作了無難色侍郎寢疾侍奉湯藥夜不就枕席者月餘每夕禱天請以身代時夫人年亦七旬能得其歡心怡色柔聲數年如一日夫人病奉侍尤勤令稍息氏唯唯仍立寢門外聞有動靜即急趨視侍郎卒氏年二十五撫棺悲號冀以身殉屢潛投縋奴婢驚覺救免紡績守志二十餘年康熙六十年卒棺殮之具皆平時紡績所積也楊文璧妻田氏于歸六載夫亡年二十四無出欲自盡以殉合家環守始免縞衣椎髻以事翁姑翁姑體恤之以胞姪士奇爲嗣守節四十餘年以壽終

王顯德妻高氏年二十三子宣甫二歲夫病革囑曰半路相拋親老子幼奈何其善處之夫歿痛不欲生轉念夫言強起力作襤縷糟糠禮事翁姑工紵織轉託鄰婦以易薪粟曰吾未亡人耳出頭露面恐貽亡夫羞翁姑卒喪葬如禮塋旣成轉告夫墓曰二親克終天年子亦授室吾事畢矣堅欲自盡子宣跪前請曰母自處善矣實貽兒以不克事母之罪復懇戚屬慰之乃勉從以終老

陳倬妻李氏年十七歸倬未期年夫病歿翁殘疾手足不仁朝夕飲食皆氏親自奉事終身無倦容未幾翁歿小叔名偉年九歲伶仃無依氏親自撫養延師課讀中雍正乙卯武舉氏與有力焉年五十擇族姪文爲嗣以承宗祧

卷十二

人物 列女

十一

康玉相妻田氏三載夫亡閱月將卜葬氏手製雙履登堂以進翁姑似將有稟告仍默然以退反告其母曰不幸婿亡安忍獨活母善頤老兒將從康郎於地下也母驚叩再三已吞杏仁汁矣母急告翁姑醫治無濟雍正九年二月八日也縣尉劉銑爲詩弔之有一杯杏液甘同死三載桃夭忍獨生之句

孫世荃妻程氏年十七適世荃世荃家徒四壁勵志讀書氏勤織紵典釵環以佐膏火累試不第鬱鬱成疾子夢麟生九月而世荃亡氏撫弱孤於一線垂危之際家無斗筲數米而炊惟資女紅以度朝夕夢麟及冠游庠氏喜極而泣曰汝父夙志未伸賚恨九原務宜努力前進以振家聲夫族散處歲時伏臘必命夢麟登門拜

問曰敬宗即所以敬祖爾勿失禮年七十餘猶持家政不少衰乾隆戊子夢麟領鄉薦克伸父志焉

田文炳妻方氏抱陽村人年十八夫亡二月生遺腹子氏端莊幽閒寡言笑雖出寒微能以禮自持父母夫族欲奪其志誓死不從毀容截髮工刺繡以贍活子長貧窶依然終無怨對鄉閭稱道其苦有悲感流涕者

崔士壯妻魏氏年二十九夫卒翁姑老子幼家無儲粟紡績度日未幾翁姑臥病延至三年氏朝夕扶持毫無厭倦卒後經營殯葬鄉里賢之爭爲助理嗣孫崔於璋庠生

劉應聘妻張氏方順橋人于歸六載夫亡年二十五子二長三歲

卷十二

人物 列女

十一

次僅四月氏絕粒欲以身殉翁力勸曰汝夫之死吾已痛心汝復如是是重吾痛且吾家赤貧孫方幼穉奈何徒死爲氏勉承翁命力自苦作晝夜紡績事畜無虧迨後翁年九十氏亦六十餘遵循侍奉未嘗少倦自夫亡之日起不事膏沐除歸寧外凡戚黨之家罕入其門尤嚴於課子小過必督責之子長入邑庠

郝潔妻劉氏年十七適潔孀姑在堂氏依夫紡織備盡色養越四載夫亡子大成方離襁褓氏矢志守貞姑病親嘗藥餌歿葬如禮子長衣食稍裕教以睦族厚鄰遇黨里有故輒恤之乾隆三年縣令上其事建坊旌表

孫琬妻李氏年二十六琬卒氏痛不欲生繼思翁姑在堂子方在

襁褓未忍遽以身殉奉養之資皆取供於女紅子長督就外傅子不忍母氏劬勞願棄學力耕以供菽水堅不許卒得游庠以承父業李又曾妻季氏年二十四夫歿子璉甫四歲氏身爲長婦恐傷翁姑晨昏定省以慰暮年及翁姑歿喪葬如禮子長使就鄉塾督課甚嚴年二十補博士弟子員

王文成妻徐氏早寡守節翁歿與姑同寢處二十餘年如一日子謨弱冠補庠

楊名旺妻相氏年二十三夫亡遺子二歲窮簷嫠婦以禮自持歲饑自磨糟糠奉翁姑甘旨姑病截髮置藥以進翁年九十侍奉不倦瑩瑩一身操作家事夫故時室如懸磬後家稍豐氏之力也

卷十二

人物 列女

十三

郟子鎔妻邢氏年二十七夫亡子三人顯謨訥承謨鎔病劇氏籲天求代及故立志守貞凡鎔所應爲而未卒者無不以身任之事孀姑曲盡禮意鎔前妻一女方五齡愛之如己出長適易州魏生家貧問餽無虛日以此魏得自立家業鎔有堂弟鉞貧無依氏令顯謨招之同爨顯謨弱冠補庠生

柳如梅妻李氏事繼母以孝聞父歿哀毀不食者三日年十六歸如梅如梅業儒急功名小試不利抑鬱成疾氏知不起時有一子在襁褓向夫指兒泣誓曰兒在則守兒亡則亡他非所知夫亡治喪畢矢志撫孤踰年孤殤氏痛益甚家人知其志恐不測叔如蘭以己子繼之冀節其哀氏鞠姪如子乾隆七年繼子又殤氏仰天

泣曰天乎其竟絕柳氏後乎姑孀知其志竊防之氏乘間自縊時
乾隆七年六月八日也

張珍妻楊氏年二十四夫亡子宗堯甫一歲家業蕭條氏荼蓼自
甘矢志不移翁姑相繼歿弱叔亦亡家惟小姑無以力贍氏賴十
指爲給不足採野菜充饑有士人憫之云別鵠離鸞琴內鼓傷心
之調求桑採葛機中抽續命之絲蓋實錄也宗堯稍長氏刻意教
之能成立門戶有賢聲

李忠妻冉氏郎村人年十七適忠二載夫亡氏憑棺痛哭既絕復
甦時翁姑已老子國佐方週歲親族皆哀憫之氏毅然以養老鞠
幼爲己任矢死靡他自十九歲孀居至老人無間言子長守母教

卷十二

人物 列女

十四

克自奮勉強冠補博士弟子員有文譽

程育桂妻劉氏茂山村人育桂死無子女母家姊姒勸改適氏曰
婦道從一嘗聞之夫骨未冷甘心委去非人也且夫病革時切切
囑以孝事翁姑已諾之豈敢食言乃請命立夫兄子有潔爲嗣藿
食紡織不辭勞瘁奉養翁姑始終三十餘年翁姑歿附身附棺無
不盡禮撫嗣子亦克成立里閭嘖嘖稱賢以爲克全婦道足風世
云

劉光世妻楊氏年二十八夫亡子幼翁姑皆老氏藉紡織爲養教
子嚴切不令稍涉嬉游守節三十餘年血漬衣襟常如一日族里
稱賢之

王克明妻張氏年十七歸克明二載夫亡遺腹六月生子欽四壁蕭然二親復老女伴勸他適氏曰王郎一線僅有此一塊肉且二老年高我去則老幼填溝壑矣堅貞自矢日夜苦作以供薪爨翁姑卒喪葬盡禮子長教以禮讓嫻睦務敦本業族人莫不稱爲王氏再造之婦云

王世錫妻李氏年二十夫亡子召賢呱呱三月氏矢志守節翁老姑多病氏侍奉湯藥無間姑翁先後逝世殮葬盡禮訓子務勤儉召賢長家業小康

王敏妻劉氏敏素貧藉館穀以贍氏能節儉持家而洗腆以奉翁姑生子令德年二十七夫亡氏初志欲殉繼念親老子幼隱忍復

卷十二

人物 列女

十五

活日用之需常典衣質釵以濟翁姑憫之氏殫力如故有不足則佐以女紅子長出就外傳督課綦嚴介壽日有戚人以詩賀之曰授書鐙下硃匀血捧饌堂前笑亦悲蓋狀其實也子令德弱冠入泮

程顯妻冉氏十五歸顯二十四而寡翁已衰老二子俱孩提仰事俯蓄備極勞瘁居近母家自夫亡非大事不往姊妹家亦近則竟絕足嘗曰吾嫠居而數數輕出非理也人以爲賢翁歿喪葬盡禮二子亦得成立興其家

張偉妻王氏年十九偉病故子名光裕幼稚夫身棺槨殯殮手自經理翁姑年高傷甚氏吞聲飲泣定省無虧以慰其志遇有疾自

親湯藥訓遺孤成立守節數十年膏沐不施言笑未嘗露齒當時
閨閭奉爲女師焉

康子聰妻李氏孝敬性成曲盡色養先時翁歿貧不能舉葬夫病
彌留囑氏曰吾家寒父棺在堂寡母年踰六旬汝若從死後事誰
託能代吾盡子道吾目瞑矣夫死子女皆無早夜勤作營葬翁夫
事孀姑姑卒家益窘典衣置棺麻裙包土以成塋夫族堂兄拔貢
生子哲哀其窮以四子玉鳴爲嗣氏愛如己出課讀勸勉備至玉
鳴弱冠游庠

李漢臣妻陳氏家貧孝事翁姑克盡婦道善女紅織紵嘗至徹曉
博所得以供甘旨年二十八夫亡痛不欲生父勸止之艱辛備歷

守節四十餘年

卷十二

人物 列女

十六

史國平妻郝氏年二十六夫歿翁姑皆七十侍養不辭勞瘁翁憫
之嘗曰家道賴爾周旋吾兒雖死猶生也氏勤機杼軋軋之聲徹
夜不輟翁姑歿殮葬盡禮夫兄分爨已久年老絕嗣貧窶無依復
招之同居子自傳務本力穡孫亦早歲列膠庠焉

宋超妻賈氏十五結褵超業儒有上進志氏時勉慰之深宵伴讀
機聲與書聲相應不以爲勞四年超卒無子止一女翁鰥旦耄家
又壁立氏奉養拮据未嘗少怠幼叔二幼姑一皆撫之成人婚嫁
及時叔與姑感其德事之如母焉

趙榮妻冉氏年十八夫亡子明煥生甫兩月氏哀號絕食翁姑以

大義曉之氏慨諾強起矢志事翁姑終老撫子成立守節數十年
錢俊升妻張氏升家貧甘心澹簿年二十四夫亡翁姑年皆六旬
子仕甫週歲次子倫遺腹七月始生氏矢志守節養老撫孤艱苦
備至翁姑死盡所有以爲殯葬二子長力農次力學家業復興人
以爲苦節之報云

張廷寶妻閻氏廷寶攻儒業屢爲額所限氏恐其家務累心日用
瑣屑身自操之俾得專心力學姑翟氏久病牀褥衣不解帶以奉
湯藥及歿哀毀盡禮未幾廷寶病卒氏痛不欲生因身懷遺腹勉
留餘息六月生子文家計中落鰥翁病歿喪葬半出稱貸氏境處
困窮卒能支持門戶以綿張氏一綫之延世人稱之子早歲入邑
庠

卷十二

人物列女

十七

錢通妻黃氏年二十八夫亡二子爾伯爾俸俱幼值歲饑採野菜
和羹爲食夜無膏火嘗對月紡績寒暑無間守節四十餘年二子
皆成立

張增妻章氏于歸一載夫亡遺一孤僅月餘氏矢志守節奉養孀
姑姑歿喪葬盡禮歲時必祭祭必慟孤子後成立厥由母教有素
云

劉得順妻張氏年二十一歸得順越七年而夫亡生遺腹子芸稍
長令就外傅夜則課督之守節三十年如一日子芸入泮學憲呂
公表其閭曰熊丸荻畫

郭可宗妻高氏年十八歸可宗未一載夫亡翁姑而上太姑猶存
氏苦志守節左右周旋噦噫咳之氣絕不少形以傷兩世尊人
之心善持家政繼小叔子爲嗣恩勤備至翁姑嘗謂有賢婦其子
猶生云

趙海妻李氏性貞淑村有惡少窺其夫外出往調之氏聞言大罵
惡少驚懼欲逃氏扭喊不放被亂刀斫死縣令皮公具狀詳請奉
旨建坊旌表併入節孝祠

李某妻郭氏年二十五夫故氏奉老撫幼守節三十餘年縣令皮
公採入縣志以彰其節

張文妻李氏六載文歿氏年二十翁姑垂暮弱息零丁氏志堅金

卷十二

人物 列女

十八

石矢死靡他學憲莊公博採鄉評賜匾旌表其門

段克年妻李氏年二十二夫亡孝事翁姑撫孤成立孫嗣喧邑庠
生守節四十五年學憲夏公獎之

范書香妻南氏乾隆七年夫故氏年二十七誓從死而暫忍焉比
嗣子成立女出嫁怡然曰吾今可遂志矣乘間自經年六十四學
政龐旌其門

范馭曦繼妻牛氏年二十六夫亡遺腹子孚旣娶而天媳段氏年
二十三撫子國珍依姑苦守事之盡禮國珍子榮奎登武科學政
龐并旌之

范保妻張氏年二十五夫亡服毒以殉姑急救之甦乃矢志奉姑

守節比姑歿乃曰吾事畢矣遂不食死年六十七學政龐旌之
李正貴妻王氏年二十二夫亡家貧或諷之嫁氏泣曰夫亡以老
母囑何忍負之勤紡績奉姑守節壽七十三歲戚某爲銘其墓
袁發祥妻劉氏侍夫疾三年不倦比歿年二十一欲以身殉翁姑
勸之乃暫忍焉勤紡績奉養盡孝比翁姑歿葬親畢不食死
楊俊妻張氏夫歿氏年二十五奉翁姑撫孤以孝慈稱年九十卒
張孝友妻賈氏年三十夫亡勤紡績孝事翁姑子殿魁以諸生貢
成均官訓導

賈成文妻某氏年二十六守節訓二子鐸鈞皆成名年九十四卒
石寶妻吳氏年十九于歸越三載夫亡母家勸他適氏泣曰翁老

卷十二

人物 列女

十九

何依且何忍此女謂他人父也勤紡績以爲事育守節四十餘年
劉際隆繼妻李氏年二十四寡李遇春繼妻谷氏年二十五寡皆
善撫前室子女如己出守節終身

穆淮妻宋氏幼讀書知大義年二十七淮外出無音耗氏勤紡績
歷奉翁姑繼姑皆盡孝養葬盡禮嘗自爲文以祭聞者哀之年三
十五卒

劉義繼妻馮氏幼事繼母以孝稱年十九于歸越三年義卒氏矢
志苦守事繼姑撫嗣子均盡職年及六旬猶勤紡績閭里稱賢
白洛平妻謝氏同治六年捻匪入境遇賊被害時年三十八同時
張維城女年十餘歲遇賊不屈投河死

陳浩妻康氏早寡守節同治七年捻匪至不辱投井死年五十一
副憲劉爲請旌表

郭廷榮嫂孫氏捻匪之變罵賊被殺其家殉難者廷榮妻袁氏女
白姐姪女大榮姐喜榮姐貂兒姊又杜某妻郭氏劉某妻郭氏姪
婦康氏姪孫女多兒俱投井死同時尹固村王連枝女大姐二姐
遇賊不屈被燒死閭童村節婦劉某妻顧氏偕女投井死鄰家莊
岳姓節婦罵賊被殺

郭廣妻黃氏家本寒微明大義十七歲歸廣椎髻操作終日不倦
二十八夫亡無子女矢志不再適以紡績自給守節三十餘年壽
七旬始歿閭里咸歎慕之

卷十二

人物 列女

二十

郭柱妻董氏日以力學承先勉其夫三載夫亡生子月餘家世貧
氏飲冰茹蘗惟恃十指以贍子名永譽循循雅飭鄉人以爲得自
母教云

范朝秀妻劉氏妾黃氏劉氏善事翁姑因無子勸夫納妾黃氏兩
美相合毫無閒言劉二十八而寡黃二十六而寡同心守節皆年
踰七十縣令皮公匾其門幹枝雙勁

蘇國宇妻郎氏年二十七夫故守節四十餘年縣令皮公採訪入
志表其門閭

喬某妻任氏年二十九夫故子惠幼氏勤儉持家延師課讀守節
三十餘年惠弱冠補弟子員食廩餼縣令皮公題請旌表

貞女劉氏自幼許字臧氏子爲室未過門臧氏病故是年女甫二
十二歲聞訃後情願奔喪守節其父母欲奪女志不從自縊死
光清

十年
旌

伊犁都司李琳妾張氏 年二十
八守節 康芷妻范氏 年二十二守節
歷四十四年 侑生劉清

和妻常氏 年二十
二守節 陸九皋妻劉氏 年十九
守節 李豐妻陸氏 年二十一夫亡
失明守節終身 孔

有明妻朱氏 早寡守節學
政吳旌之 楊朝俊妻范氏 早寡守節卒
年八十七歲 賈廷奎妻史氏 年
十

七守節垂
五十年 庠生王國彥妻李氏 年二十八守節道
光二十四年旌 長清縣尉李啓文妾劉

氏 年二十九守節
同治十一年旌 監生夏洛印妻杜氏劉福珍妻王氏劉封女胖姐

劉義妻郭氏劉智妻葛氏偕女朱德亮妻程氏偕女武舉楊鵬飛

姪女興姐劉珍妻劉氏 以上均於同治七年遭
捻逆之變不屈投井死

卷十二 人物 列女 二十一

賈祥妻張氏賈某女亭兒姐米贈兒母某氏袁際平妻某氏袁澤

岳母某氏西閭童村楊某妻白氏張某妻王氏陳某妻某氏李某

妻王氏朱某妻陳氏東閭童村王某妻王氏王某妻張氏王某妻

王氏王某妻李氏龐村劉某妻康氏許某妻喬氏李某妻趙氏馬

某女黑女喬某女姐兒郭村杜某妻郭氏李某妻元氏尹某妻李

氏范某妻張氏范某妻張氏并女黑丫頭范某妻李氏李某妻司

氏李某妻冉氏范某妻李氏劉某妻劉氏秦某妻某氏尹某女秀

姐李某女環姐秦某女外女杜某女蘭姐郎村杜珍妻王氏劉洛

上妻沈氏劉某妻王氏并女二李某妻張氏劉某妻張氏姚某妻

許氏趙某妻劉氏劉某妻曹氏劉某妻李氏并女二劉某妻袁氏

并女趙某妻李氏顧某妻冉氏王某妻張氏并女傅某妻許氏王
洛東女秋姐韓某女大女李某女二女張某女大女辛章屯村何
某妻樊氏王某妻王氏何洛士子婦楊氏葛洛茂女西辛章村谷
某妻葛氏大賚村孫某妻王氏大清村繆清端妻宋氏繆克信女

胖姑

以上七十人均於同治七年遭捻逆
之變遇賊不屈被害均採訪冊

陳坦妻王氏邑人王德祚女也年二十于歸陳氏八載夫亡堅貞
守志時陳氏家境貧窘子九齡早亡子遺一孫煢煢孤立氏守節
四十餘年撫孫成立本縣廩生張森等呈請旌表奉勅入節孝祠
并旌其門

陳九齡義妻周氏城內陳氏婢也九齡死妻早亡母老子幼煢影

卷十二

人物 列女

二十二

相弔周氏大感毅然請主母王氏曰婢今爲主母子婦矣遂行子
婦禮終身不嫁撫孤成立陳宗賴以不墜里人義之乾隆三十八
年呈請縣令喬公奉勅旌其門曰撫孤勵節

貢生康銘常繼妻陶氏于歸三月夫歿慟哭氣絕復甦時不食者
已三日矣姑知而責之曰婦人殉節義也事親撫孤仁也殉節易
事親撫孤難汝能勉爲其難吾願足矣氏遂強自振奮奉姑終天
年撫孤成立守節五十餘年七十歲卒道光十八年縣令申請督
憲琦公奉旨旌以節堅松柏四字

趙寬和妻某氏年十七歸寬和寬和父母早亡家無恆產氏藉紡
績佐夫度日八載夫亡矢志守貞典釵環以葬煢煢一身艱窘萬

狀至兩日一餐堂叔瑞堂憐之日給薪米及氏老不能自炊遣人饋之以成其志年七十五卒守節五十年

康魯妻張氏歸魯僅五月夫病篤囑曰孀姑在堂又無子女儻不起請以事親擇嗣爲託氏唯唯及卒氏善承夫志事姑以終天年繼堂姪逢霖爲嗣守節五十餘年戚族稱之具呈爲請旌民國五年由大總統袁公褒給節勵松筠匾額壽七十三卒

諸生張廷槐繼妻何氏清苑縣學何兆齡姊也幼嫻母教讀書知禮年三十八歸廷槐撫前妻三子如己出六載夫歿氏不哭亦無感容時弟兆齡來臨談論一如平時殊不虞其有他也三日殮畢氏闔戶沐櫛釋服家人咸異之俄而召諸子前屬曰吾事已畢汝等好自爲之吾將從汝父地下矣時已飲毒醫救無及蓋氏殉節已具決心故從容如此縣紳康乃心等狀請縣令張公申詳直督合肥李公具狀上聞奉旨旌表建坊

張體潤妻段氏于歸數年夫歿子乃昌生甫數月翁姑太翁姑俱在堂仰事俯蓄善承夫志守節三十餘年

張體彥妻高氏年十九夫亡無子以夫姪炳昌爲嗣守節六十年壽七十九卒

張郁文妻段氏年十九夫亡無子以夫姪體正爲嗣守節五十一年壽七十卒

張體正妻劉氏年二十九夫亡守節五十三年壽八十一卒

卷十二

人物 列女

二十三

吉廷蘭妻趙氏縣學生趙連芳女歲貢生士林姊也貞默寡言事親相夫克盡婦道道光三十年夫廷蘭卒氏年二十一無子擇族子賢者承夫嗣氏上事孀姑下撫嗣子含辛茹苦歷五十餘年光緒十四年縣上其事奉旨旌表節孝賜苦竹凌寒匾額卒年七十歲

上紫口村縣學生趙鴻儀妻宋氏夫死氏年二十二無子以夫兄之子椿壽兼祧承嗣孝事翁姑數十年如一日卒年五十一守節凡三十年

趙常妻張氏常年二十二病歿子女俱幼家貧不能備棺氏懇其父代爲置辦葬畢以女託之携子爲人傭工守志以終卒年五十

卷十二

人物 列女

二十四

二民國四年鄉人申請縣令旌表立碑

王澍妻康氏年十九歸澍三年姑病暴卒氏哀毀逾常未幾翁與夫皆病氏以一身侍湯藥衣不解帶者三月翁夫相繼歿營殯卜葬如禮人皆稱之以夫弟奎煜子履謙爲嗣教之入邑庠年七十卒光緒三十年督學陸公獎以志勵松筠匾額

劉清祿妻申氏年二十夫亡生子孝德事姑盡力以節孝稱卒年六十三守節四十三年

袁清和妻王氏年二十一夫亡孝親慈幼人無間言卒年七十一守節五十年

袁秋來妻張氏年二十四夫亡遺一子家貧爲人傭工以養翁姑

卒年七十四守節五十年

邵文盛妻魏氏南固店人家本望族通文字十八歲歸文盛年二十四夫亡遺二子鵬舉鴻舉姑臥病八月不起氏躬親湯藥無少懈二子入校讀書出爲整理書籍歸令背誦講解熟而後令寢後皆成名僉謂得自母教卒年六十四守節四十餘年

楊誨妻穆氏年二十三夫亡生一子一女矢志守貞事衰翁繼姑曲意順從經理田產教訓孤兒井井有條卒年七十四守節五十年

魏作霖妻周氏年二十一夫亡孝順翁姑堅貞守節卒年六十七守節四十六年

卷十二

人物 列女

二十五

郝某妻李氏舉人李鈺姪孫年十九歸郝二十一歲夫亡無嗣七十四歲卒守節五十三年